

Mēnā neke atu i te kotahi te pāsurenga-mōrehu



Ka tonu te tangata hara ki te kōti mō te āpuru ingoa tūturu

Ka pātai atu tētahi kaitohutohu pāsurenga kōti, ngā Pirihimana rānei ki ia pāsurenga-mōrehu i roto i te kēhi mēnā e hiahia ana ia ki te whakamōhio atu ki te kaiwhakawā mēnā ki ōna whakaaro me tau te āpuru ingoa tūturu ki te tangata hara.



Me whai wā koe ki te whakaaroaro

Me whakaaroaro mēnā e hiahia ana koe ki te whakamōhio atu ki te kaiwhakawā i ōu whakaaro me aha. Ehara i te mea me mātua whakauru ki tēnei wāhanga mēnā kāore koe i te hiahia.



Me whakamōhio atu ki te kaitohutohu pāsurenga kōti, ngā Pirihimana rānei mēnā ki ōu whakaaro me whakawhiwhi āpuru ingoa tūturu ki te tangata hara

Whai muri i tō whakaarohanga, ka whakapā atu tō kaitohutohu pāsurenga kōti, ngā Pirihimana rānei ki a koe ki te pātai atu mēnā e hiahia ana koe ki te kōrero atu ki te kaiwhakawā me aha ki ōu whakaaro.

Ka tuhia e ia tēnei ki tētahi tuhinga hei pānui mā te kaiwhakawā.

Ka whai wāhi atu ia pāsurenga-mōrehu ki tēnei āhuetanga.



Mēnā e whakaae ana ngā pāsurenga-mōrehu katoa kia kua e whiwhi āpuru ingoa tūturu te tangata hara:

- Ka whakahēngia e te kaiwhakawā te tonu.
- **Kāore** te tangata hara e whiwhi āpuru ingoa tūturu.
- **Ka taea** te whakaputa tōna ingoa ki ngā rongo kōrero me te pāpāho pāpori.

Mēnā e whakaae ana ngā pāsurenga-mōrehu katoa me whiwhi āpuru ingoa tūturu te tangata hara:

- Ka whai whakaaro te kaiwhakawā ki ngā whakaaro o ngā pāsurenga-mōrehu me te whakatau mēnā ka tuku āpuru tūturu ingoa tūturu, kua rānei.

Mēnā he rerekē ngā whakaaro o ngā pāsurenga-mōrehu me aha:

- Ka whai whakaaro te kaiwhakawā ki ngā whakaaro o ngā pāsurenga-mōrehu me te whakatau mēnā ka tuku āpuru tūturu ingoa tūturu, kua rānei.
- Ka āhei anake te tuku āpuru ingoa tūturu ki te tangata hara e pā ana ki te mahi hara ki ngā pāsurenga-mōrehu ki ōu rātou whakaaro me whakaae te āpuru ingoa tūturu.

Mēnā kāore koe, tētahi atu pāsurenga-mōrehu i te hiahia tuku whakaaro:

- Ka whai whakaaro te kaiwhakawā ki ngā whakaaro o ngā pāsurenga-mōrehu i tuku i ō rātou whakaaro.
- Ka āhei anake te tuku āpuru ingoa tūturu ki te tangata hara e pā ana ki te mahi hara ki ngā pāsurenga-mōrehu ki ōu rātou whakaaro me whakaae te āpuru ingoa tūturu.
- **Kāore** e whakaaetia e te kaiwhakawā kia pānuitia he kōrero e mōhiohia ai ngā pāsurenga-mōrehu kāore i hiahia ki te tuku i ō rātou whakaaro (kāore rānei i taea, kāore i taea rānei te whakapā atu).